

懷仁縣新志卷十一

藝文下 題詠

明

懷仁暮歸

石玠

列騎青郊外荒村向晚歸避兵人在少經亂客來稀
 塞火明還滅城鴉宿又飛邊城猶未息何日解征衣
 登玉龍洞 大同撫院張志孝 兵科給事張順泉
 總兵官孫吳 同聯
 閒上玉龍洞懸梯百丈空萬里風塵靜轅門有寇公
 乘閒登絕頂遙望雁門關頗牧同聯轡應知奏凱還

懷仁縣新志

卷十一

藝文

一

玉龍回首白雲中月照山谿萬籟空塞外騎兵莫窺
 犯北門鎖鑰有萊公

絕塞同聯轡人生得幾何詰朝如有興攜酒再來過
 教練臨戎日秋高眺碧空雄吟驚敵魄今見狄梁公
 邀賓遊勝槩舉酒坐重關指顧乾坤大相攜夜月還
 迢遞興和悵望中蒼苔古洞倚晴空只今聖主憂何
 事恢復訐謨獨賴公

汗漫遊仕跡相携意若何月輪團浩影秋水碧雲過
 題玉龍洞

王達善

千尺危橋跨兩崖
土龍飛去殿崔嵬
試教偷眼看沙
漠
馬上人如一蟻來

和前韻

年富

曲曲偏橋接斷崖
雲深風冷石崔嵬
玉龍殿古無人
到
惟有餐霞羽士來

冬至郊亭聯句

參議朱天俸

許用中

史闕疑

樓臺高起碧山隈
乘興登臨數舉杯
鳥道征人雲裏
度
龍沙獵騎雪中迴
玉門寒帶千條柳
金谷春藏幾
樹梅共喜邊方烽火息
吟成落日更徘徊

自警

井陘人本
縣知縣

高元

婦囑夫兮夫且聽
歸來須着擔頭輕
昨朝雨過蒼苔
滑
莫向顛崖險處行

思鄉

深州人本
縣知縣

齊一變

頭上青絲幾莖白
那看俗事漫縈懷
故山松菊應憐
我
何時回首一啣杯

過右衛聞詔

四海欣逢一詔來
丹崖草木盡堪栽
江籬獨產秋波
上
也向東風帶笑開

懷仁道中早行

寒鴉催客行昏黑疑無路
落葉隨人飛青山莽回互
登恆山

萬山聳立一峯高絕頂
嶮巖接碧霄今日登臨方覺
險不如歸去卧林皋

過桑乾河

廣平縣人
本學訓導馬在田

一派洪濤天際來
洄波急浪似奔雷
日斜東渡無舟楫
碧草黃沙滿目哀

仲秋坐崇國禪寺

博士初來此暫停
禪林深處境冥冥
不聞支遁仍傳鉢
多見書生借誦經
白壁瑩瑩空物色
清堂寂寂有人醒
平生最愛高僧味
况是蕭條落八莖

懷仁道中

禮部
主事郭子直

蒼茫關外路秋半
已寒生樹樹皆霜色
山山聞水聲數家茅
結市一旅石為營
向晚邊塵起偏驚
逐客情過桑乾有感

晚度桑乾水偏令百感生
一官慚禮樂萬里客幽并
木落聞邊笛雲開見戍城
不須愁出塞諸將正橫行

元日有感

喧喧簫鼓動山城此日逢春旅思驚江上梅花鄉國
夢尊前栢葉歲時情不將黃綬為秦客何處青雲是
漢京一自祠卽供奉後宮衣猶疊御香盈

冬海地龍

邑人
通判 魏經綸

冬月時嘗到海隈堅冰忽裂響如雷此中若道無
物用盡人工做不來

西山石鼓

傳聞石鼓未相安曾向西山寺裏看試教兒童輕一

擊淵淵澗下動波瀾

榆鴉晚集

城南榆木久成林鴉門斜陽萬點金只謂昇平多不
擾似將好語向人音

塔雲占雨

高聳城西第一峯雁門迤北衆山宗誰言本是無情
物常把嘉祥報老農

咏清涼山

郭子直

清涼山對射堂開幾欲臨流問渡杯祇是陽城勤撫

字非緣孟尉不追陪盟虛鸞鶴慙逋客望入烟雲護
梵臺雪勒春寒花事晚只今猶及看花來

又

倚山臺殿景偏幽風日宜人自可留顧我獨慙黃綬
尉與君同醉碧霞樓萬家春樹和烟綠一曲陽河抱
郡流立馬城東重分手仲宣何以答荊州

咏七峯山

王汝濂

平沙漠漠翠屏開勝日邀歡結駟來峯矗似疑珠斗
列岩虛疑抱玉龍迴響傳空谷風生洞影亂斜陽鳥

下臺獨怪王喬飛舄去雙鳧雲斷重低徊

咏玉龍洞

玉洞何人闢丹梯斷復連空明懸日月窈窕隔人天
龍去雲根在泉飛石竇穿此中多乳液吾欲學長年

咏清涼山

東風幾度野花開山寺曾邀共舉杯衆鳥枝頭空欲
喚輕雲谷口枉思陪勝遊何處尋三島遺跡從今憶
五臺說與碧桃休笑我明年應待好春來

咏家祠古柏

翠柏當中植節操貫四時生來原一本南北各分枝
咏清涼山 王汝浹

清涼十里彩雲堆好景偏宜首夏來山色不隨春色
去花顏因向笑顏開休乘寶筏尋真境且酌金卮對
法臺北顧玉龍惟咫尺言歸知是更徘徊

國朝

遊玉龍洞

穎水 高翼耀

猿攀石磴憇危欄頰仰堪輿眼界寬平眺晴嵐雲外
直遙傳虛籟耳邊寒玉龍何事蟠幽洞青鳥憑誰問

懷仁縣新志

卷十一

藝文

六

大丹醺酒東西酬

帝德永盤鎖鑰拱長安

憑高疑與帝天通千里雲山咫尺中小小柳村攢野
綠遲遲桃葉點枝紅同人世外尋仙迹長嘯峯頭猗
太空不謂塵寰無靜理閒偷俗吏叩崆峒
歲甲辰四月至六月不雨秋又大潦雲民饑邑諸生
于懷漢出家穀于石助賑詩以美之

兵備道 李 曹 溶

關外多石田五穀半不生七月飄嚴霜藝穫難滿

遺民性情贏作苦終無成其初習邊俗逐堡屯戰兵
年甫十六七便出充壯丁坐糜官家糧狼戾嬉童嬰
天運捷環轉效順來王庭隘口貢騏驎戎備循其名
尺籍十存一餉額無餘贏飽食不常得農田始支撐
要術付鹵莽錢鎛辭堅精季秋未殺草膏用徒星星
雨暘順四序隴畝咸滋萌疾力上公賦八口猶悲學
厄當龍蛇歲驕陽大流行赤土裂千里旋風捲空城
暑退忽淋漓淫潦不復晴漫山衝白沙石壓嘉苗莖
泛泛宿水中動側如浮萍二事實傷稼爛水尤涕零

旱日種不入可待明年耕今茲將吐穗并令牛種傾
野哭連朝昏一兒換杯羹市絕升斗粟駟儉留虛評
倉儲雖有禁矯發甘官刑聊汲勺水微沃彼狂燎橫
偏方愧持節瘋憂正怛怛義士奮山中不遑振冠纓
長跪追致詞願達憐憫情灾屯喻剥膚蓄積良甚輕
問士獨何為里黨我父兄父兄饑欲死微軀敢自寧
縣令坐堂上義士立前楹盡出室所有菽麥梁稻秔
大村持橐來小村提瓷罌平明至曛黑次第亦不爭
各自歸土窟晚爨烟青熒全活累百族鬻子為暫停

義士心歡愉從此安柴荆琅琅誦詩書蹇盡還致亨
更祝蒼旻高露澤私邊氓螟螣深入地蜡飲烹牢牲
長吏職撫字桑乾揚潔清芳譽播京邑峻擢公與卿
雲州歌樂土永作邦國楨我感義士心表幽古有經
列狀上史氏庶使末俗驚再拜執謙讓本不圖光榮
輸財轉干進辱身同劓鯨三晉有斯人陳風記昇平
于懷漢出粟賑饑曹秋岳公祖賦詩美之屬余同作

左都御史兼
刑部尚書 魏象樞

懷仁黑子邑殘疲綴雲邊雲邊盡瘠土砂石滿平田

畝收三斗粟擊鼓慶豐年彼蒼安可必旱澇何速綿
糠粃值珠玉萬灶絕炊烟穉兒哭無力老翁踈呼天
頻年欠國賦生聚已蕭然老穉一死足門戶倘苟延
苦勸壯丁出就食早言旋那知出不返白骨棄荒阡
雲門有鄭俠繪圖

天子前遣使賑諸郡田租賜全蠲忍饑待

恩澤義士增涕漣念某蓄千石躬耕聊自全會看閭黨盡
一家擁橐餽官長廢寢食願以濟羣癩憶昔甲午歲
凶歉獨蔚川有民好義者按里名煖泉施賑閱兩月

全活累數千種德那敢道萬口空留傳嗟今俗漸薄
避義如避淵問彼士若民誰為著先鞭我續紀義咏
表章賴高賢少陵稱詩史於今復見焉同室慚閉戶
流汗續新編

贈于義士

失名

泮水有潛鱗素志利名輕平常伏臘會鄉黨酌先兄
况茲懸磬日推食詎自寧指困輸長吏呼民集倉楹
減食資衆飽妻孥亦不爭萬聲祈駟馬于門大可停
四方聞風者僉願一識荆異日備三老

懷仁縣新志

卷十一

藝文

九

天子袒割牲

庚申雲中大侵懷仁候選知縣于應心盡出已粟周
助宗族鄉黨賦詩贈之

大同府知府
會稽

唐賡堯

雲中之高高天下寒飈獵獵無冬夏土白沙黃雨澤
希原田枯旱愁禾稼我來出守閱五年庚申艱食民
無天鬻子拋妻一飽難草根榆樹爭相攀發粟健羨
汲黯力繪圖徒有監門泣蠲租散帑荷

皇思窮簷猶自悲朝夕倒懸瞻乏思子瑾濟施此日誰堪
並積善相傳有舊家于門父子行相近吁嗟三代以

後風多嗇况復米珠能賑恤于君好義不居功謂本
慈命成考德善則歸親更所難鄉邦鼓腹仁心惻

贈候選知縣于應心

懷仁縣知
縣竟陵 盧志遜

歲荒十室九家空仗義村村沐惠風不羨劉郎多積
德高門還自屬于公

贈于母王太安人暨子應心

學士 史夔

沙南間氣鍾名族河內流芳頌女師既相藁砧施厚
澤還教蘭玉散高貲千門舉火傳家量萬竈分烟接
斷炊此日萱堂承鳳

詔恩榮壽考信兼之

贈于母王太安人暨子應心

翰林 彭寧求

慈能及物仁人志善則歸親孝子心敬奉母儀成考
德恪承先業嗣徽音宗姻飽德資饘粥里黨聞風溉
釜鬻播澤自來宜食報傳家何羨滿籛金

贈于母王太安人暨子應心

祭酒 孫岳頌

華族鍾名媛蘭閨出彥方門楣分綠蔭姆教本青箱
訓子承堂構賙飢散糗糧母儀崇節儉考德賴劬勩
愷澤宜遐福宏慈最發祥

鸞書來北闕冠帔耀釵梁

贈于母王太安人暨子應心

晉陵進士

孫鳳鳴

施予尋常事如君父子稀不辭千金粟肯救衆人飢

夜月鳧茨冷春風苜蓿肥令名千載後重復見盧攜

贈于母王太安人暨子應心

雲中拔貢

王逢泰

世繼耕書業羣稱作述賢聲聞緣分起忠孝任天全

焜燿榮

封誥馨香永豆籩于門君應大高義聽輿傳

詠張貞女

大同知縣

黎中輔

懷仁縣新志

卷十一

藝文

十一

如此奇緣衆口誇果然並蒂是名花其才已作公桃
李之子真宜爾室家泮沼月圓雙璧影簫樓雲擁七
香車苦心韋喜諧初願往事重聽信可嗟

頌石明府

教諭

吳崇光

秀毓三韓挺不羣名高一代稱神君冰心朗印沙南
月玉骨騰輝冀北雲龔老遺牛方得種萊公給籽始
能耘三千政績留花縣徧地香風萬古薰

頌董明府

聖主簡賢令沙南拜福星愛民堪若子待士渾志形野外

田疇錯城中婦子寧寒毡無所贈德政勒新銘

頌石明府

訓導

崔齡介

雲中荒旱更奇哉孰料天教福曜來濟厄慈心純似
范扶顛美政儼如萊可欣絕戶都除籍堪羨逃亡盡
撫迴此日甘棠爰手植令儂倚樹久徘徊

頌董明府

鳴琴撫上邑惠政感民情皓月一腔掛仙風雨袖生
眼前雖製錦指日定調羹幸托棠陰下尋看鳳

認承

懷仁縣新志

卷十一

藝文

十二

曹太保文詔行

山西臬司安化

羅繞典

男兒不能殺賊立功牖下老陶土沈埋空草草雁塞
龍堆邊月寒廣牧英名迹如掃馬革歸魂破廟存土
女猶譚曹太保噫嘻太保心似鐵仗劍秦關眼流血
有明末造半塵埃誓挽日車迴覆轍發迹始遼左轉
轂經河汾塵沙捲地地無色忠義薄天天不聞咄哉
南原役爭傳太保死城上白旗懸貔貅困封豕橫矛
躍馬忽飛出一鼓么魔殲水涘首功二萬六千六大
樹將軍徒爾爾南箕貝錦太紛呶薦牘枉勞張御史

惟聞士民語軍中有一曹威名滿大下西賊心膽搖
爾時大曹小曹並烜赫直與韓范功同高湫頭鎮前
大星隕援絕糧空勢壘粉太保請行目貲裂生戴吾
頭愧延頸靴刀巷戰血淋漓白日無光照幽憤從此
中原事盡非君王手詔淚沾衣鴿原憔悴忻州失駒
齒摧殘杏嶺圍一門碧血流青史九十九泉空落暉
吁嗟乎松山衰梅花嶺前代忠奸分同盡貳臣檔子
尚烟銷百戰奇功更灰冷雲中遺裔亦衰微櫨栢荒
涼秋草肥何當舊史南狐筆重寫關西破賊碑

頌陳鷺翁父台

本學訓導

郝敦圉

勤慎清廉俱足當先生端合號循良愛民款款心推
赤問事兢兢質彼蒼德厚盡人沾愷澤政平闔邑頌
甘棠扶危濟困由衷發鋤暴安良夙願償不羨前賢
鳧化履欣覘後日雉依桑太邱復作風徽嫩同甫重
生姓字芳慚愧寒微靡所効荷蒙施惠乃無疆昔年
召杜今猶見惟祝慈君任久長
贈陳鷺翁父台兼簡藹如夫子
願得黃金鑄越相更將錦緞繡平原藉聆塵教開茅

塞益友明師兩沐恩

贈姜孝廉七絕二首

纂修邑乘信君優且喜為予結契由向慕鴻名雷貫
耳今聆塵誨月當頭

流水高山一曲琴子期千載是知音予今幸遇姜肱
後願效鍾俞當日心

遊玉龍山偶題昊天洞

廩生 馬文炳

偕客同遊到七峯昊天聳立衆山宗清幽直似登仙
界峻極渾疑跨玉龍繡佛殿前紅日麗飛仙閣上白

雲封塵氛頃刻全消盡便是終南好寄蹤

題諷經菴

岩堯直上七峯巔目極長空人接天入室竟成雲外
客尋幽便是洞中仙紅塵淨掃琳宮內皓月偏宜玉
殿前悟得靜中真樂趣神遊象外自飄然

同厚齋姜孝廉遊清涼山未竟而返有感書懷

郭映斗

孝廉昨歲選廣文底事稽留未履任邑侯奉檄纂懷
志爰訂伊人助修政先分星野應天文次及山川選

名盛於戲目不覩天下奇山並奇水焉能為文雄且
勁我友厚齋雅嗜奇索異尋幽寄歌詠衆友同樂清
涼遊清涼一山極天淨予亦扶杖躡後塵會當絕頂
窮究竟奈之何半空無梁嶺欲斷捷足先登誰是伴
昂頭雲際覓行蹤老朽龍鍾力已倦君登我獨惆悵
歸想像奇形空艷羨嗟哉少壯不如人夙願今生何
日伸與君早歲曾同硯倏忽雲泥隔此身

過薛莊驛

廩生 李文林

煙雨空濛四月天郵亭小住暫流連紅腔喚酒情初

暢粉壁題詩墨尚鮮一路繁華花壓帽半村楊柳絮
飛綿街頭初唱西江曲共解征鞍漫着鞭

途中苦秋雨

重陽未到雨生寒點點聲催夜未闌地僻漫酌黃菊
酒衣單薄襲素羅紈茂林想見相如病剪韭難邀子
美歡惟有旅人情倍苦一牀橫卧廢朝餐

過大峪山

迢迢古路出雲端萬笏峻嶒子細看徑畔鳴泉秋苦
雨山頭立馬午生寒前峯已據秦關險縱步遙知蜀

道難丹桂仰攀今夕近當頭明月影團樂
邑中即景

除將官舍不耕田處處人家有陌阡試望郊原秋熟
後滿城子婦話豐年

士子辛勤守一經杜門從不履公庭科名未卜無他
務惟課童蒙戶半扃

清晨入市踏芳塵箇箇提壺說買春海錯山珍無處
覓紅綾佳釀衍嘉賓

羊裘

蕭蕭颯颯北風寒竟體綿裝尚覺單惟有一裘披最
好也來垂釣子陵灘

山居即景

翠壁丹崖最有情春來樹底聽流鶯開門試向峯前
過到處相逢一笑迎

採樂雲深復採茶百般紅紫鬪山花欲歸靜坐林深
處一片濃陰傍午誇

山果逢秋熟亦奇摘來盈掬可療飢牧童歸去雙肩
認折取林間第一枝

遊千佛寺

鄉人豔稱千佛宮年年祭賽此山中我聞此地如仙境走馬來遊路未通回頭下馬遙相望樓臺如在青霄上生平未學上山歌步履艱難徒怏怏牧童遙指路一彎石磴巉峻仰首攀異草鮮花香馥馥枯松老栢色斑斑果然直到風前觀殘碑斷碣摩挲看石室僅存六七間石佛層層數無算崖下中嵌一老僧僉云脫化早飛昇上有層樓通石洞此是蓬萊最上乘寺外峯前都遊徧此日忘勞亦忘倦歸來說與家人

聽為編我輩仙遊傳

上邑令陳鷺翁夫子

石聲揚

錦屏一路福星臨先後循良此弄琴謂蘭皋夫子本以巖

疆資保障卻移華轂沛甘霖公從甯鄉調署開倉汲黯留遺

愛課最張堪報好音知否蒼生多屬望東山那許便

投簪

時公年老欲乞休

快逢青眼接彭宣正是金門射策年捐俸喜從元亮賜著鞭慚被祖生先不圖下土風猶見敢說憐才調獨彈從此龍泉勤淬礪知君常相斗牛間

夜宿七峯山贈王道士

一聲鐘罷暮煙橫，隔着山頭露月明。
今夜紅塵飛不到，丹牀抵足話長生。

 生何幸遇方平，一卷靈飛解最清。
更喜消磨能愈

疾，朝朝帶露鬪黃精。

道人頗精岐黃

過鵝毛口

入得鵝毛口，悠然心目開。
環村溪水隔，劈面土山陪。
小漲人呼渡，前灘雁叫回。
臨崖幾茅屋，夕照似樓台。
枕流兼漱石，井養不須欣。
人語灘聲雜，天光水面分。

春來千樹錦，雨後一溪雲。
歎息幽棲好，無言對夕曛。
題城東古塢

一塢獨巍然，蕭蕭夕照間。
寺從何代廢，園尚此時傳。
斷碣無人讀，荒墳過客憐。
鈴聲終日語，也似泣桑田。
題清涼古寺

姜安仁

古寺濃雲翠，壁懸劇憐清。
景興陶然書，中樂趣階前。
草檻外琴聲，石上泉。夜月鎔成千嶂雪，晨鐘搖破半山煙。
平心靜氣閒來往，一任流光自轉旋。

詩情應與地俱深，桃李穠時鳥弄音。
寺外煙霞開古

畫塢前燈火印仙心曇雲有意閒來往寶月多情仰
照臨排闥送來青未了好從靜處學長吟

徵文考獻編摩家首重之志官師與人物獻備矣
無高文典冊以殿其後不謫陋無光已乎懷隸邊
陲士質厚少文鮮專門之學有官守者簿書鞅掌
或無暇操鉛槧與文士爭衡然如趙平章之列傳
張明府之碑文王副使之墓表以及列女等傳題
咏諸詩淹雅風流差堪膾炙古謂志其地志其人
並志其人之文而其地其人益詳且覈不信然歟